



Sumiiffimmi aalajangersimasumi isumaqatigiinneq

SIK-p aamma GE-p

sanaartortut pillugit

isumaqatigiissutaannut

ilanngussaq

Pennecon Heavy Civil-imut atuuttoq

Isumaqatigiissummut tapiliussaq manna Qaqortumi mittarfiliornermut atatillugu Pennecon Heavy Civil-imut, matuma kingorna Pennecon-imik taagorneqartumut, atuuppoq.

Isumaqatigiissut una Pennecon-imi sulisunut atuuppoq:

Sanaartortut, VVS, Innaallagisserisut, Entreprenørerit nal. akunnermusiaqarlutik sulisut pillugit GE-p aamma SIK-p isumaqatigiissutaat.

Taannali atuutinngilaq Pennecon-imi aqutsisunut, allaffisornermi sulisunut kiffartuussiner-milu sulisunut.

Pennecon-ip suliassai sukangasumik piffissalersugaammata, tikisitanillu sulisoqangaatsiarta-riqqassamat, isumaqatigiissummi aalajangersakkat ilaannik tulluanngitsoqarpoq. Isumaqa-tigiissummut tapiliussaq immikkoortoq sullivinni avatangiisit pillugit inatsimmik saneqqutsi-nissamik imaqartoq tamatumunnga atatillugu aammattaaq innersuussutigineqassaaq.

Taasariaqarpoq Nuummi Ilulissanilu nunanit tamalaanit mittarfiit Qaqortumilu nunap immik-koortuani mittarfiup sananeqarnissaannut, ingerlanneqarnissaannut aningaasalersorneqar-nissaannullu killiliussatut piumasaqaatit pillugit Inatsisartut inatsisaanni nr. 4-mi, 22. novem-

bari 2018-imeersumi, pingaartumik kapitali 3 nunanit allanit suliartortunut Qaqortumi mittarfiliornissamut atatillugu tikisinneqartunut atuummat.

Pennecon-ip sulisut nalunaaquttap-akunneranut aalajangersimasumik akissarsiaqartikkusup-pai nalunaaquttap-akunneri suliffigisaat tamaasa eqqarsaatigalugit, ullup unnuallu ingerlane-ranni qanoq ilisukkulluunniit, aamma isumaqatigiissut malillugu tapit uku eqqarsaatigalugit:

Tapit matuma ataani taaneqartut isumaqatigiissummi qulaani taaneqartumiittut matumuuna lsumaqtigiinnikkut iluarsiissutigineqarput:

- § 17 Qaangiuuttoornerit*
- § 18 Sapaatini nalliuttunilu tapisiat*
- § 19 Nalliuttuni ulluinnartigoortuni tapisiat*
- § 20 Piffissami nikingasumi sulinermut tapisiat*
- § 21 Paarlaattarluni sulinermut tapisiat*
- § 23 Akkordersinnaannginnermut tapisiat*

lsumaqtigiissutigineqarpoq soraarnerussutisiassanut akileeqataassutissat akissarsianut ilanngullugit sulisunut Canadamiunut tunniunneqartassasut.

Sulisut nunatsinninggaanneersut soraarnerussutisiassanut akileeqataassutissaat soraarne-russutisiassanik aningaasaateqarfimmi SISA-mi kontomut ilineqartassapput.

lsumaqtigiissummut tapiliussap matuma atsiorneqareereneratigut Pennecon-imi sulisut min-nerpaamik matuma ataani allassimasunik akissarsiaqartinneqassapput ullut 28-kkaarlugit su-lilluni ullunilu 14-ini akissarsiaqarani sulinngikkallarluni nikittaannermut ilaagunik:

	1. aprili 2022-mit 31. marsi 2024-mut
	Nal. akunneranut kr., ilanngullugit *
1.1. Ilinniagaqarsimannngitsut, sulisut Canadamiut	150,30
1.2. Ilinniagaqarsimasut, sulisut Canadamiut	175,97
1.3. Ilinniagaqarsimannngitsut piginnaanermut uppernarsaatillit*	165,00
Sulisut Canadamiut	
2.1. Ilinniagaqarsimannngitsut, sulisut nunatsinni sinerissameersut.	141,75
2.2. Ilinniagaqarsimasut, sulisut nunatsinni sinerissameersut.	165,88

Ilinniagaqarsimannngitsut piginnaanermut uppernarsaatillit * Sulisut nunatsinni sinerissameersut	156,45
--	--------

Piginnaanermut uppernarsaatit* sulisut pigisassaat makku atorlugit sulinermut tunngasuus-sapput:

1. Excavator	1. Excavator maskiina assaassut
2. Loader	2. Usilersuineq
3. Telehandler	3. Teleskopimik usilersuineq
4. Skidster	4. Skidster
5. Dozer	5. Dozer
6. Grader	6. Grader
7. Cruser	7. Cruser
8. Heavy Equipmnet Mechanic & welder	8. Atortut oqimaatsut Mekanikeri & svejseri

Akissarsiat iluarsineqassapput sanaartornermi sulisut pillugit isumaqatigiissummi 1. aprili 2024-mit 31. marsi 2025-mut atuuttussami GE-p aamma SIK-p akissarsiarititassatut isumaqatigiissutigumaagassaat atorlugit.

Isumaqatigiissummi aalajangersakkat allat sulisut atorfegartitaanerata nalaani atuutissapput.

Sulisunut Qaqortumi najugaqartunut tunngatillugu minnerpaamik isumaqatiigissummi aalajangersakkat atuutissapput.

Isumaginninnermut Aningaasaateqarfik – Atuutitsilernissamut isumaqatigiinneq

Isumaginninnermut Aningaasaateqarfimmik atuutitsilernissamik isumaqatigiinneq ilaatigut isumaqarpoq SIK-p aamma Namminersorlutik Oqartussat allallu Isumaginninnermut Aningaasaateqarfiat SIK-p aamma GE-p sanaartornermi sulisut pillugit isumaqatigissutaannut atatillugu Pennecon Heavy Civil-ip sulisuinit atorneqarsinnaassasoq.

Pennecon Heavy Civil Isumaginninnermut Aningaasaateqarfimmut ima akiliissaq:

- 2022 kr. 22.500
- 2023 kr. 45.000

Nuuk, ulloq 3. juuni 2022

Sulinermik Inuussutissarsiuteqartut Kattuffiat

Pennecon Heavy Civil

Jess G. Berthelsen

Kattuffiup siulittaasua

Lorne Bennett